



Inatsisartuni ilaasortaq Akitsinnguaq Olsen, Siumut  
-/Maani

**Nuup Umiarsualivia pillugu § 37 naapertorlugu apeqquteqaammut nr. 2011-222-  
imut akissuteqaat**

Asasara Akitsinnguaq Olsen.

Nuup Umiarsualiviata ineriartortinneqarnissaa pillugu apeqqutinnut qujanaq, taakkulu matuma kinguliani tulleriillugit akineqarput.

- 2022-mi isumaqatigiissutip atorunnaarneratigut Kalaallit Nunaata Danmarkimi Aalborg-imi umiarsualivimmik qitiusumik atuineranik qularnaarinninnerup saniatigut Aalborg Havn-ip Kalaallit Nunaanni umiarsualivinni aningaasaliinermi suut soqtigisarai.**

**AKISSUT**

Aalborg Havnip aktianik piginneqatigiiffimmut, Nuup Umiarsualivianik ineriartortitsinissamut ilaanissamut suut tunngaviginerai Naalakkersuisut tungaanniit eqqoriassallugu ajornarpoq. Kisiannili erseqqissarneqassaaq, Aalborg Havn Nuup Umiarsualivianut aningaasaliissappat, Aalborg Havnip umiarsualivittut aallaaviusutut atorneqarnera pillugu isumaqatigiissut maannakkut atuuttoq 2022-mi naappat, isumaqatigiissutip sivitsorneqarnissaa sukkulluunniit piunasaqaatigineqanngimmat.

Umiarsualivik taanna 2006-imi neqerooruteqartitsinerup kingunerisaanik toqqarneqarpoq, tassanilu aamma Esbjerg aamma Århus neqerooruteqarput. Suliassaq pillugu unammilleqatigiinneq sakkortuumik ingerlanneqarpoq, kisiannili neqeroorut ataatsimoortoq, Aalborg Havnimut neqeroorutigineqartoq neqerooruteqartut sinnerinit pilerinarnerujussuusimavoq. Neqerooruteqartitsinerup kingunerisaanik kiffartuussineq, Aalborg Havnip umiarsualivittut aallaaviusutut atuunnermut atatillugu neqeroorutigisaa arlalissuarnik pitsannguuteqarpoq – tassalu pitsannguutit ukiuni tulliuuttuni atuutsinneqalersut, taamaalillunilu inuiaqatigiinnut kalaallinut millionilikkaanik sipaagaqarfiusut.

Neqerooruteqartitsinissaq sioqqullugu Aalborg Havnip sullissinera ataatsimut isigalugu naammagisimaarneqarpoq, kisiannili neqerooruteqartitsinermi takutinneqarpoq, pioreersut apeqquserneqarnissaat, aammalu pissusiusut allatut naleqqunnerusumillu ilusilerneqarsinnaanersut aallunneqarnissaa peqqinnartuusoq.

Isumaqatigiissutip maannakkut atuuttup piffissaq atuuffissaa naappat suliaq qanoq ingerlassanersoq oqaatigissallugu suli siusippallaarpoq, ukiummi qulit sinnerlugit suli ingerlasussaapput. Kisiannili kingullermik neqerooruteqartitsinermi misilittakkat ilaatinneqarnissaat ilimanarpoq. Taamaattumik Aalborg Havn eqqissisimatitaanngilaq – aammattaaq Nuup Umiarsualivianik piginneqataagaluaruniluunniit.

12. december 2011  
Sagsnr. 2011-058450  
Dok. Nr. 780006

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: iaan@nanoq.gl  
www.nanoq.gl

2. **Umiarsualiviup suliffeqarfittut pilersinneqarnissaa niuernikkut tunngavissaqarpa, imaluunniit tamanna taamaallaat suliniutip attartorluni aningaasalersorneqarnissaa kisiat tunngavigalugu piva, taamatullu ikiorneq inunnit avataaneersunit sunniteqarfigineqarnani ingerlanneqarsinnaangila?**

#### **AKISSUT**

Assartuussineq pillugu Isumalioqatigiissitap naatsorsugaasa takutippaat, Nuummi nutaamik umiarsualiviliornissaq inuiaqatigiit aningaasaqarnerat eqqarsaatigalugu imminut akilersinnaasorujussuusoq. Taamatut inerniliinermi pingaartumik maannakkut umiarsualiviusumi pisinnaasat nungupjaarnerat tunngavigineqarpoq. Naammassisinnaasat annikillissutaat, nassiussat Nuummut ingerlasartussat amerlassutsimikkut amerlinissaannik naatsorsuutigisaqarnerup kingunerisassai, aningaasartuutit eqqarsaatigalugit nutaamik umiarsualiviliornermut aningaasartuutinit amerlanerujussuusussapput.

Assartuussineq pillugu Isumalioqatigiissitaq malussajassutsimut arlalinnik naatsorsugaqarpoq, taakkunanilu nutaamik umiarsualiviliornermi iluaqtissat annikillingaatsiarneqarput, kisiannili aamma tassani inuiaqatigiit aningaasaqarnerat ataatsimut isigalugu suliassaq imminut akilersinnaasorujussuussasoq inerniliissutigineqarpoq. Aamma misissueqqissaarnerni takutinneqarpoq, Nuummi umiarsualiviup ineriartortinnissaanut niuernerinnaq eqqarsaatigalugu suliassaq tunngavissaqarluartuq.

Tamanna oqaatigereerlugu ilassutigineqassaaq, aktianik piginneqatigiiffiliarineqarsinnaasumi suleqataasussat sisamaasut aalajangersimammata, umiarsualivimmi piginnittut aningaasaqarnikkut iluaquserneqarnissaat siunertarineqassanngitsoq. Tassalu umiarsualivimmi ingerlatsineq imminut kaaviiartissinnaassaaq, aammalu aningaasaliissutigineqartut erniortinneqarsinnaassapput, taamatullu ingerlatsinermut aserfallatsaaliuinerumt ingerlaavartumut aningaasartuutit matuneqarsinnaassapput. Aningaasaleeriaaseq aallarniutigalugu pilersinneqartoq pisariaqartinneqartunit amerlanerusunik isertitaqarfiusinnaasoq paasinarsissappat, aningaasaliissutit iluarsineqassapput.

Aalborg Havnip Nuup Umiarsualiviani piginnittuni peqataanera Naalackersuisut ulorianartorsiorfiusinnaasutut isiginngilaat. Maannakkorpiaq Kalaallit Nunaanni niuerneramik tunngaveqarluni umiarsualivinnik ingerlatsineq misilittagaqarfigineqanngilaq. Tassunga Aalborg Havn ilisimasani immikkullu piginnaanini tunngavigalugit annertuumik iluaqutaassaaq. Kiisalu Aalborg Havn suliffeqarfittut kommunimit pigineqartutut ingerlareerluni ukiut qulerpiaat matuma siornatigut aktianik piginneqatigiiffinngortinneqarmat, suliffeqarfiup suliaq tassunga assingusoq ingerlatereersimavaa. Ilisimasat taakku Nuup Umiarsualivianik allanngortitsisussanngornitsinni suliamut annertuumik iluaqutigineqassasut paasinarsisimavoq.

3. **Namminersortut aningaasaliisinnaasut Kalaallit Nunaannersut umiarsualiviliornermut aningaasaliinissamut peqataanissamut soqutiginninersut misissorneqarsimava?**

#### **AKISSUT**

Nuup Umiarsualiviani aktianik piginneqatigiiffik sukkulluunniit aningaasaleerusuttunik kalaallinik umiarsualiviliormi peqataanissamat mattussisussaangilaq. Tamatuma akerlianik immikkut ilisimasat, maani nunami pigineqartut sapinngisamik annertunerpaamik atorneqarnissaat annertuumik pingaartinneqassaaq.

Kiisalu erseqqissassallugu pingaaruteqarpoq, aktianik piginnittut allanngujitsutut inissinneqassanngimmata. Tassalu aktianik piginnittut aktianik pigisaminnik tunisisinnaassapput, taamatullu piginnittut aktianik pigisaminnik amerlititsinissamat aalajangersinnaassapput.

#### **4. Umiarsualivik namminersortunit pigineqassappat kia umiarsualivimmi oqartussaaneq isumagissavaa?**

##### **AKISSUT**

Kina umiarsualivimmi sananeqartussami umiarsualivimmut oqartussaasutut inississanersoq oqaatigissallugu suli siusippallaarpoq. Ullumikkut Namminersortutik Oqartussat umiarsualivinni pisortanit pigineqartuni tamani pingaarnertut qitiusumillu umiarsualivinni oqartussaasuusarput. Ullumikkut umiarsualiviit, assersuutigalugu aatsitassanik piiaanermut atatillugu nammineerluni pigineqartut ikittuinnaapput, taakkunanilu piginnittut kisimiillutik umiarsualivinni oqartussaaneermik isumagisaqartarput.

Ukiuni tulliuuttuni Kalaallit Nunaanni umiarsualiviit ilaanni namminersortunngorsaanerup annertusineqarnissaa ilimagineqarsinnaavoq, tamatumalu assigiinngitsunik qaffasissusilerlugu pinissaa ilimanarpoq. Nuummut nassiussat amerlasoorsuusarmata, umiarsualivimmik niuernerinnarmik tunngaveqartumik sananissaq imminut akilersinnaassasoq ilimanarpoq, sumiiffinnilu allani aningaasaliisussat, assersuutigalugu umiarsualivimmut pioreersumut ilassutitut talittarfimmut nutaamut aningaasaleerusussinnaanissaat eqqarsaatigineqarsinnaavoq.

Pissutsit taamaattut nutaajupput, suliassaqarfimmullu tamatumunnga maleruagassat pigisavut taamatut iluseqartillutik ineriartornermut tassunga tapertariuminaapput. Taamaattumik suliamik aallartitsisoqarpoq, tassanilu sinaakkutissat eqqortut, umiarsualivitsinni ineriartortitsinermit pitsaanerpaamik tapersiisut pilersinneqarnissaat siunertaralugu, ukiuni tulliuuttuni inatsisitigut tunngaviusut iluarsanneqassapput.

#### **5. RAL umiarsualivimmik piginnittuutillugu ingerlatsisut allat Royal Arctic-imit pigineqanngitsut, taakkulu ingerlatsiviit pigisaat kiisalu suleqataat unammilleqatigiinnermik tunngaveqartumik umiarsualivimmik atuisinnaanerit qanoq ililluni qulakkeerneqassava?**

##### **AKISSUT**

Royal Arctic Line ullumikkut illoqarfitta umiarsualiviisa amerlanersaanni umiarsualiviit ingerlanneqarnerinik ulluinnarnilu umiarsualivinni oqartussaaffimmik isumaginnittuuvoq. Tamatumani ilaatigut umiarsualivinnut maleruagassat, ilaatigut umiarsualivinni angallannermit ilaatigullu umiarsuit umiarsualivinnut tikittartut sullinneqarnerinut maleruagassiorfiusut tunngavigineqarput. Assersuutigalugu umiarsuit pilersuisut soorlu umiarsuarnit sinersortutik takornariartitsisartunit salliutinneqartussaasut tassani allassimavoq, najukkami pineqartumi innuttaasut nerisassaataarutinninnissaasa pisariaqartitaminnillu allanik nunguutsinnginnissaasa qulakkeerneqarnissaa pingaaruteqarmat.

Royal Arctic Line siunissami Nuup Umiarsualiviani oqartussaannermik isumaginnittuussanersoq, imaluunniit sullissisoq alla isumaginnittuussanersoq suli aalajangerneqanngilaq. Ataaserli qularutigineqassanngilaq, tassalu umiarsualivimmi umiarsualivimmut oqartussaannermut akisussaasuusoq maleruagassat pingaarnerit tunngavigalugit oqartussaannermik, umiarsualivimmik atuisunngorsinnaasunut tamanut atorsinnaasumik isumaginnittuussaaq.

Nuummi umiarsualiviup namminersortunit pisortaniilluunniit pigineqarnera apeqqutaatinnagu, tassani suliassat pisortani siunertanut arlalissuarnut iluaqutaasussaapput, taamaattumillu umiarsualivimmik atuerusussinnaasut tamarmik piumasaqaatit assigiit atorlugit atuisinnaanissaat pinngitsoorani piumasarineqassaaq.

Nuup Umiarsualiviata niuerneramik tunngaveqarluni ingerlasinnaanissaa piumasaqaataasuni tunngaviuvoq. Umiarsualivimmi sullissisut ilaat salliutinneqassappata tamanna pisinnaassanngilaq. Tamatumunnga atatillugu aamma oqaatigineqassaaq, Royal Arctic Line aktiat 16,67%-iinik pigisaqarluni piginneqataammat, kiisalu Namminersorlutik Oqartussat kommunilu, pisortat soqutigisaannik isumagisaqartut ataatsimoorlutik katillugit 66,67%-inik aktiaateqarlutik amerlanerussuteqarlutik. Eqqarsaatigineqarsinnaanngitsumik pisoqarluni Royal Arctic Linep nammineerluni umiarsuaatini naleqqutinngitsumik salliutilissappagit, salliutitsineq tamanna piginnittut akornanni sukkulluunniit taperseerineqarsinnaanaviannngilaq.

Tamanna tunngavigalugu Royal Arctic Linep umiarsualivimmi ingerlatsineq isumagilissappagu, umiarsualivimmi atortunik atuisinnaanerup naleqqutinngitsumik isumagineqalernissaanut Naalakkersuisut aarlerinartoqartitsinngillat.

Neriuppunga matuma siuliani apeqqutitit tamakkiisumik akisimassallugit.

Inussiarnersumik inuulluaqqusillunga

Jens B. Frederiksen